

THOMO E KHOLO

Motheo oa Thomo e Kholo: Lenaneo-Thuto

Notes

—

KAROLO EA #1:

- I. Selelekela sa Thuto.
- II. Metheo ea Borumuoa Thuto-Molimong:
 - A. Motheo.
 - B. Sepheo sa Bophelo.

KAROLO EA #2:

- II. Metheo ea Borumuoa Thuto-Molimong:
 - B. Sepheo sa Bophelo (nts'etso pele).
 - C. Ho etsa Sepheo sa rona se Phelehe, se Sebetse.

KAROLO EA #3:

- II. Metheo ea Borumuoa Thuto-Molimong:
 - D. Sepheo se ntlha-peli sa Bophelo.
- III. Motheo oa Borumuoa Historing:
 - A. Hobaneng Molimo a Khethile Israele?

KAROLO EA #4:

- III. Motheo oa Borumuoa Historing:
 - B. Hobaneng Molimo a Khethile Israele(nts'etso pele)?

KAROLO EA #5:

- III. Motheo oa Borumuoa Historing:
 - A. Hobaneng Molimo a ile a lumella kholeho ea Babilona?
 - B. Hobaneng Molimo a rometse Mor'a oa Hae.
 - C. Hobaneng Molimo a ile a Tlohela Bajuda?
 - D. Hobaneng Molimo a ile a Khetha Kereke?
 - E. Hobaneng Molimo a Khethile Uena?
- IV. Qetello ea Thuto.
 - Tlhahlobo.

THOMO E KHOLO

Notes

Motheo oa Thomo e Kholo: Tlhahlobo

Lipotso tse ka lebelloang: limaraka tse 20

- 1) Khetha likaroloana tse 'ne tsa Bible ho bonts'a "Tlamo-kholo ea bohlokoa Bibeleng" e senolang sepheo se ntlha-peli sa bophelo (maq. 65-68).
- 2) Bolela o be o hlalose mehlala e meraro eo re e filoeng ke Paulosi, e lokelang ho lateloa ke limishinari (leq. 75).
- 3) Hlalosa hore na ke joang selekane sa Abrahama, e leng Selekane sa borumuoa/bo-mishinari. Sebelisa Genese 12:1-3; Genese 28:14, 15; le Matheu 28:19, 20 (leq.79).

Lipotso tse ka lebelloang: limaraka tse 10

- 1) Hlalosa "Tlhaloso ea bohlokoa" (leq. 64).
- 2) Bolela likarolo tse tharo tsa BOKHONI, tse hlokahalang bakeng sa ho ithuta puo le moetlo (p. 74).
- 3) Sebelisa temana e le ngoe ho bonts'a hore na bophelo ba Jesu le lithuto tsa li senola sepheo se ntlha-peli joang? (leq. 76).
- 4) Sebelisa Deotr 7:6-8 ho bonts'a mabaka a mabeli ao Molimo a khethileng Israele ka oona (leq. 78).
- 5) Sebelisa Lip 67:1-7, ho hlalosa hore na hobaneng Molimo a khethile Israele (leq. 81).
- 6) Sebelisa mangolo a mabeli ntle le Johanne 3:16 ho bonts'a lebaka leo Molimo a rometseng Mor'a hae ka lona(leq. 84).

THOMO E KHOLO

I. Selelekela sa Thuto.

A. Koluoa ea ho Se tsotelle.

Mohlala oa Sengoli:

Moreri o kile a qala molaetsa oa hae ka lipolelo tsena:

Kajeno ke rata ho bua ka lintlha tse tharo.

- 1) Ea pele, hona le batho ba baloang ka limilione lefats'eng ba eang liheleng hobane ba so utloe evangeli.
- 2) Ea bobeli, ba bangata ba lona ba lutseng mona ha le tsotelle "Damn" ka taba eo.
- 3) Ea Boraro, le tsotella haholo hore ke sebelisitse lentsoe "damn" ho feta ho tsotella batho ba limilione ba eang liheleng.

Pale eena e bonts'a lintho tse ngata ka kereke ea rona e senang matla matsatsing ana. E ka 'na ba e shebahala hantle, empa e shoele!

Etsa mohlala oa hau

B. Morero oa Jesu.

Maikutlo a Sengoli:

Jesu o na le morero o le mong feela bakeng sa ho evangella lefats'e. Ho tloha historing esale o bitsoa "Thomo e Kholo." Pale ena e bonts'a le ho netefatsa taba eo.

Notes

—

THOMO E KHOLO

Notes

Hlokomela: 'Thomo e Kholo' ke lebitso le tloaelehileng bakeng sa morero oa Krete oa topollo ea balateli ba hae. O ba laetse ho itsoala le ho ikatisa ka bots'ephehi ka ho arolela ba bang Molaetsa o Molemo. Lentsoe "Thomo e Kholo," le ha le sa ngoloa ka Bibeleng, thutong ena le ipapisa le litemana tse kang Math 28:18-20 ; Mar 16:15.

Mohlala oa Sengoli:

Jesu o ile a nyolohela leholimong ha mosebetsi oa hae lefats'eng o se o phethehile. A ku nke mangeloi a 'motsa hore na o fihletse sepheo sa hae. E be Jesu o araba ka matla le ka tlhoho o re, "E". E be mangeloi a 'motsa hore na, e be lefats'e lohle le se le utloetse ka eena na? Jesu oa araba, "che." E be mangeloi a 'motsa ka thahasello hore na ebe Morero oa hae ke o fe? Jesu a arabe ka sebetse sohle. A re, o siile banna ba 12 le sehlophana sa balateli ba hae ho phatlalatsa Molaetsa lefats'eng lohle. Hanyane, Mangeloi a bonahala a ts'oenyehile. Ba kopa hore Jesu a ba bolelle morero oa hae oa bobeli. Jesu o araba a re, ha ho moralo oa bobeli.

Taba ea hore Molimo o batla ho fihlella lefats'e lohle ka Molaetsa o Molemo ka UENA LE 'NA, ke khubu ea Thomo e Kholo. Ha ho moralo o mong ntle le 'ona.

Etsa mohlala oa hau

C. Lintlha-kholo tsa thuto ena.

1. Thutong ena re tla tsetsisa kutloisiso ea Thomo e Kholo. Thuto ena e ka sebetsa e le thuto ea mathomo, e thehang lithuto tse ling tsa borumuoa le mosebetsi oa kanetso ea evangeli.
2. Thuto ena e arotsoe likarolo tse peli tse kholo:
 - a. Motheo oa Borumuoa/bo-Mishinari Thuto-Molimong.
 - b. Motheo oa Borumuoa historing.

THOMO E KHOLO

II. Motheo oa Borumuoa/bo-Mishinari Thuto-Molimong.

Notes

—

A. Motheo.

1. Karolong ena re tla fana ka motheo oa mantlha oa Thomo e Kholo.
2. Hore re tle re etse sena, re tla fana ka potso ea motheo eo motho a ka e botsang: “HOBANENG KE PHELA?”
 - a. Re tla bua ka Sepheo sa bophelo. Re tla bona hore Thomo e Kholo e fumana motheo Sepheong sa Bibe le sa Bophelo.
 - b. Re tla bona hore Bibe le, kamehla e supa sepheong se ntlha-peli sa bophelo. Re tla ithuta ka li-pheo tse peli ho tsoa maikutlong a fapaneng ha re ntse re leka ho fumana kutloisiso ea Thomo e Kholo.

B. Sepheo sa Bophelo.

1. Potso e kholo. Honaneng ke phela? Sepheo sa ka sa ho phela ke se fe? Ke eng se fang bophelo ba ka moelelo?
2. Thuto ea mantlha.
 - a. Bophelo bona ke ba nakoana ha ho bapisoa le bosafeleng.
 - 1) Haeba mohlomong re ka ra etsa sethotsa feela sa lipalo (mohlala), re lumelle hore re re mohlomong bosafeleng bo nka lilemo tse 8,000,000,000 (leha kamor’a lilemo tse 8,000,000,000, bosafeleng e tla be le hona bo qetang ho qala). Ha re re o hlohonolofalitsoe ka lilemo tsa bophelo bo bolelele, ‘me o phela lilemo tse 100.
 - a) Ha re sebelisa mohlalanyana oona, bophelo ba hau hona joale bo ka methoa e le motsotsoana feela o kaalo ka 1/30 second).
 - b) Bophelo ba hau bo ka feela le pele o re “na”.
 - c) Mohlalanyana oona o bonts’a ‘nete e khethehileng. Maphelo a rona a teng kajeno, a fetile hosane.
 - b. Empa motsotsoana (second) o ka ba le molemo haeba feela o amana le ho akofisa phetoho ea nako eohle e setseng. Ha ho a lekana ho fumana sepheo ka bo-sona feela.

THOMO E KHOLO

Notes

- 1) Hona ho bolela hore, maphelo a rona lefats'eng lena, a ka fumana sepheo ha feela se ama bophelo ba rona bo tlang. Sepheo sa bophelo ba rona se lokela ho hlaloso ho ipapisitsoe le bosafeleng.
 - 2) Haeba motsotsoana o sebelisoa ho re khannella bosafeleng, ke hoo motsotsoana o nang le sepheo.
3. Sephiri se-Holo.
- a. Sepheo se fumanoa bophelong bo sa feleng.
 - b. Hona ke sephiri ho batho ba bangata ba lehang ho fumana sepheo lintho tse felang.
 - 1) Pherekano ea motho e tlisoa ke ho se utloisise Sepheo sa bosafeleng. O leka mekhoha e mengata ho fumana sepheo. Kaofela ke lintho tsa nakoana (chelete, thobalano, lithethefatsi, tai, matla, ts'usumetso, thuto, jj).
 - 2) Tse ling tsa lintho tsena li “ntle”, ha tse ling li le “mpe”. Kaofela ha li khone ho fana ka thabo ea moshoelella, lebaka ke hobane, li etsa hore motho a bone e ka “motsotsoana” o molelele ho feta kamoo o leng ka teng.
4. Tlhaloso-kholo, ea Bohlokoa.
- a. Haeba sephiri-se-Holo ke hore sepheo se fumaneha bophelong bo sa feleng, kahoo he, tlhaloso e kholo ke ea bophelo bo sa feleng.
 - b. Bophelo bo sa feleng, re bohlalositsoa ke Jesu ka mokhoa o bobebe haholo.
 - 1) Bala Johanne 17:3.
 - 2) Bophelo bo sa feleng ke ho tseba Molimo.
5. Kutloisiso-kholo, ea bohlokoa.
- a. Hobaneng re phela?- **HORE RE TSEBE MOLIMO RE BE RE ETSE HORE A TSEJOE.**
 - b. Re phelela bophelo bo sa feleng le ho thusa ba bang hore ba bo phele.

THOMO E KHOLO

6. Tlamo-kholo ea Bibe.

- a. Bibe e senola Sepheo se “**NTLHA-PELI**” sa bophelo.
- b. Se senotsoe ka litsela tse fapaneng, libakeng tse fapaneng, Bibeleng.
Re tla fana ka mohlala o le mong ho tloha likarolo tse kholo tsa Bibe.
Re tla fana ka mohlala o le mong ho tsoa karolong ka ngoe e kholo ea Bibe.

Ntlha ea Puisano

Sets'oants'o sena se bonts'a hore na karolo ka ngoe ea Bibe, e bonts'a Sepheo sa bophelo se “**NTLHA-PELI**” joang, e leng ho tseba Molimo le ho etsa hore a tsejoe. Sebelisa sets'oants'o sena e le tataiso ea karolo ena ea boithuto.

Sepheo sa Bophelo se Ntlha-Peli

Karolo ea Bibe	Ho tseba Molimo	Ho etsa hore Molimo a Tsejoe
Buka tsa Molao	Genese 12:1, 2a	Genese 12:2b-3
Libuka tsa Nalane	Moeklesia 12:13	Moeklesia 12:13
Baprofeta	Esaea 43:10	Esaea 43: 9-12
Li-Evangeli	Mareka 12:30	Mareka 12:31
Mangolo a Paulosi	Bafilipi 3:8-10	Bafilipi 1:21-25
Sepheo sa Jesu	Johanne 17:11, 21-25	Johanne 17:6, 26; Lk 4:43
Litemana tse akaretsang	Baroma 8: 28, 29	Matheu 28: 18-20

c. Libuka tsa Molao.

- 1) Ho Genese 12:1-3, re bona hore ho na le likarolo (li-pheo) tse PELI tsa selekane sa Abrahamama.
 - a) Halofong ea pele ea selekane, re bona menyetla e meraro e amanang le ho hlohonolofala ha Israele. Kaha tlhohonolofatso ea Abrahamama e ne e le ho tseba Molimo, kahoo re lumela hore ho tseba Molimo ke khubu ea litlhohonolofatso.

Notes

THOMO E KHOLO

Notes

- b) Karolong ea bobeli ea Selekane, re bona maikarabello a mararo a malebana le ho hlohonolofala ha Israele hore e be tlhohonolofalo ho ba bang. Joalokaha re tla bona hamorao, sepheo sa boikarabello bona ke ho etsa hore Molimo a tsejoe.
- 2) Ka tsela ena, re ka bona Sepheo se “**NTLHA-PELI**” sa ho phela seleaneng sa Abrahama.
- d. Libukeng tsa Nalane.
 - 1) Ho Moekesela 12:13, re bona qetello ea sengoli se sokotseng likhaolong tse 12 ka potso ea sepheo sa bophelo. Qetello ea hae e bonts'a hore ho na le 'Li-pheo tse PELI'.
 - a) Sa pele, o re sepheo sa rona ke ho ts'aba Molimo. Testamenteng ea Khale, taba ea ho ts'aba Molimo, e amahangoa le ho tseba Molimo (sheba 2 Likronike 6:33; Lip 34:9, 10; Liprovia 2:5).
 - b) Sa bobeli, o re sepheo sa ho phela ke ho utloa Molimo (ho phetha thato ea hae). Ho etsa hore Molimo a tsejoe, ke taelo ea bohlokoa haholo (ke thomo e “kholo”).
 - 2) Ka tsela e na, re ka bona sepheo se “**NTLHA-PELI**” sa ho phela joalokaha ho hlalositsoe ke sengoli sa Moekesela.
- e. Baprofeta.
 - 1) Moprofeta Esaia o hlalosa hore Israele (Sechaba sa Molimo) e na le Li-pheo tse PELI.
 - a) Esaia 43:10, e re Israele e khethiloe **BAKENG SA HORE** ba **TSEBE** Molimo.
 - b) Hona moo hape, o boetse o bolela hore sepheo se seng hape sa Israele ke ho ba lipaki tsa Molimo. Lichaba tse ling li lokela **HO UTLOA LE HORE, KE 'NETE** (sheba temana ea 12).
 - 2) Ka tsela e na re ka bona sepheo se “**NTLHA-PELI**” sa ho phela joalokaha ho bonts'itsoe ke moprofeta Esaea.

THOMO E KHOLO

f. Li-Evangeli.

- 1) Ho Mareka 12:28, sengoli le setsebi sa molao se ile sa botsa Jesu ka molao o moholo ho feta e meng. Khubu ea potso ea hae e ka bonoa e lokela ho amahangoa le sepheo sa bophelo. Jesu o fane ka likarabo tse PELI.
 - a) Ea pele, re lokela ho rata Molimo ka lipelo tsa rona tsohle, maikutlo a rona oohle, mehopolo ea rona eohle le meea ea rona eohle. Tsela ea ho bonts'a Molimo lerato la hau, ke ho ba le nako le eena. Ho rata Molimo ke ho 'matla le ho motseba.
 - b) Ea bobeli, re lokela ho rata ba habo rona joaloka ha re ithata. Na hona le lerato le fetang hore re arolele ba bang evangeli? Ho rata oa heno ke ho etsa hore a tsebe Molimo (eo e leng lerato).
- 2) Ka tsela e na, re ka bona sepheo se **"NTLHA-PELI"** sa ho phela joalokaha ho bonts'itsoe litaelong tse PELI tse kholo.

g. Mangolo a Paulosi.

- 1) Lengolong la Bafilipi, Paulosi o bua haholo ka mabaka a hae a ho phela. O bonts'a Li-pheo tse peli tsa ho phela ha hae.
 - a) Ho Bafilipi 3:8-10 Pauloai o ngotse ka sepheo sa ho phela. O qetella ka hore KE TLE KE MOTSEBE.
 - b) Ho Bafilipi 1:21-25, Paulosi o re o tla tsoelapele ho phela leha ho ka ba betere ho shoa. Hobaneng? Hobane ho ne ho HLOKAHALA hore ho phethoe sepheo sa ho tsebahatsa Molimo mahareng a Bafilipi.
- 2) Ka tsela e na re ka bona sepheo se **"NTLHA-PELI"** sa ho phela joalokaha ho bonts'itsoe bophelong ba Paulosi.

h. Li-pheo tsa Jesu.

- 1) Ho Johanne 17, Jesu o buile ka sepheo sa ho phela joalokaha se bonahetse bophelong ba hae. Thapelong ea hae, Jesu o bonts'itse Li-pheo tse peli tsa ho phela ha hae.
 - a) Sa pele, o ile a pheta maikutlo a hore ke eena ea ho ntate. Sepheo sa hae e ne e le ho ba le kamano e tletseng le ntat'ae. O phatlalatsa sena temaneng ea 25, "empa 'Na ke u tsebile."

Notes

—

THOMO E KHOLO

Notes

- b) Temanen ea 26, o tsoelapele ho bonts'a sepheo se seng ha a re "Ke batsebisitse lebitso la hau, 'me ke tla 'ne ke ba tsebise lona" (sheba tem.6).
 - (1) Sepheo sa bobeli sa Jesu se bonahala hape ka ho hlaka ho Luka 4:43.
 - (2) O re o tlameha ho ruta ka 'muso oa Molimo metseng le libakeng tse ling hobane, "O rometsoe hona."
- 2) Ka tsela e na, re ka bona sepheo se "NTLHA-PELI" sa ho phela ha Jesu joalokaha ho bonts'itsoe bophelong ba Hae .
- i. Litemana tse ling tse akaretsang.
 - 1) Malebana le sepheo sa bophelo, re ka ea mangolong a MABELI a tsebahalang haholo a fanang ka tlatsetso tabeng ena.
 - a) Ho Baroma 8:28, 29, Paulosi o bonts'a ka ho hlaka SEPHEO sa maphelo a rona. Ke ho ts'oana le Jesu Krete. Hona ho etsahala ka likamano le eena. Ho etsahala ha re ba le nako boteng ba Molimo. Ka ho tseba Molimo, re ka ts'oana le Mor'a oa Hae. Hona KE SONA SEPHEO-KHOLO SA HAE KA MAPHELO A RONA.
 - b) Ho Matheu 28:18-20, re fumana litaeo tsa ho qetela tsa Jesu ho barutuo ba hae. Litaeo tsena li hlalosa sepheo sa ho phela ha rona. Ho hlakile hore re lokela ho etsa hore Molimo a tsejoe. Hona ke sona SEPHEO sa ho phela ha rona.
 - 2) Ka tsela e na, re ka bona sepheo se "NTLHA-PELI" sa ho phela joalokaha ho bonts'itsoe litemaneng tse ling.
- j. Qetello.
 - 1) Re libupuo a tsa Molimo. Sepheo sa sebupuo a se lokela ho ts'oana le sa 'Mopi, molemong oa hore re be le li-pheo tse ts'oanelehang. Sebupuo a se fumana moelelo oa ho phela ka li-pheo tsa 'Mopi. Sepheo sa Molimo ke se fe?
 - a) Sa pele, sepheo sa hae, ke ho lopolla motho (bala 1 Tim 1:15).

THOMO E KHOLO

Notes

—

- (1) hona ke hore, o rata ho fetolela motho ea lahlehileng sets'oants'ong sa Krete ea tsohileng. (sheba Bar 8:28, 29).
- (2) Kahoo, sepheo sa ho phela ha motho, ke ho TSEBA MOLIMO.
- b) Sa bobeli; SEPHEO se seng sa Molimo, ke ho nka 'muso o liatleng tsa Satane (sheba 1 Johanne 3:8; Bah 2:14).
- (1) Hona ke hore, o batla ho sebelisa motho ea lopolotsoeng ho ba letsoai le leseli la lefats'e e le ho isa evangeli lichabeng (sheba Math 28:18-20).
- (2) Kahoo, sepheo sa bobeli sa bophelo ba motho, ke ho etsa hore MOLIMO A TSEJOE.
- 2) Sepheo sa Molimo bakeng sa bophelo ba ka, ke hore a sebetse KA HARE HO 'NA hore ke motsebe, le hore a sebetse KA 'NA hore KE ETSE HORE A TSEJOE.
7. Motheo-kholo.
 - a. 'Muso oa Molimo.
 - 1) Motheo oa bophelo ba hau ke eng? Bophelo ba Bokreste bo lokela ho ahoa 'Musong oa Molimo. Hoo e lokela e be eona tsotello ea rona e 'nots'i. (Math 6:33).
 - 2) 'Muso oa Molimo ke bojoale le bokamoso.
 - a) Maphelo a rona a eme ka tatellano sekheong. Hoo ke hore, maphelo a rona a lipakeng tsa ho tla ha pele ha Morena le ho khutla ha hae.
 - b) Kahoo, sepheo sa bophelo ba ka e lokela e be ho tloha bojoaleng ho ea bokamosong. Nka etsa hoo joang?
 - c) 'Muso oa kamoso oa Molimo o tla tla ha Jesu a khutla labobeli. Jesu o ile a re, o tla khutla ha evangeli e boleletsoe lichaba tsohle (bala Math 24:14). kahoo, bophelo ba ka bo tlameha bo shebane le ho isa evangeli lichabeng tse ling, haeba feela sepheo sa ka e le ho fihlela 'Musong oa kamoso oa Molimo.

THOMO E KHOLO

Notes

b. Morena.

- 1) Haeba bophelo ba ka bo hahilo 'Musong oa Molimo, ke hakakaang bo ahiloeng ho Morena oa 'Muso oo? Hantle ka holimo ho tsohle, re lokela ho haha maphelo a rona ho Jesu (Bala 1 Bakr3:11).
 - a) Kaha sepheo sa Jesu e ne e le ho bolela Molaetsa o Molemo (Mar 1:14, 38; Luka 4:43), le hore e se e se 'na ea phelang empa Krete ea phelang ka ho 'na (Bag 2:20), kahoo bophelo ba ka bo tla fumana moelelo ho boleleng molaetsa o Molemo (ho paka, ho ba bopaki, ho ruta Bibe, jj.).
 - b) Bophelo ba ka bo lokela ho ba katoloso ea bophelo ba Krete. Hona ke khubu ea buka ea Liketso (e bonts'a katoloso ea mosebetsi oa Jesu ka barutuo ba hae).
- 2) Mosebetsi oa hae o ka atoloso joang ka 'na? Hona ho ka etsahala ha ke na le likamano le eena. Ha ke ntse ke tsoellapele ho motseba ka botebo, ke haholo ke tla atleha ho motsebeisa ba bang.
 - a) Ke lokela ho motseba e le Morena. Ha ho letho le nang le moelelo ntle le Krete. Tsohle li na le moelelo ho Krete. Ke Morena. Tsohle li fumana boleng le moelelo ha li amahana le eena.
 - b) Ke lokela ho motseba e le lentsoe la Molimo. Ke lokela ho etsa liqeteo ke ipapisitse le Bibe. E tsamaisa bophelo ba ka.
 - c) Ke lokela ho motseba e le Mopholosi.
 - (1) Ke eena feela ts'epo ea ka. Sefapano se bonts'a pholoho ea ka.
 - (2) Ke lokela ho haha bophelo ba ka holima tlhoho ea Sefapano. Ke lokela hape ho ananela le ho amohela mofuta oa eona.
 - (3) Kahoo, bophelo ba ka bo ahiloe holima lefu la ka (Math 16:24, 25).
 - d) Ke lokela ho motseba e le eena Matla a ka.
 - (1) Ha ke iphelele, ke phela bakeng sa Krete. Ha ke sebeletse ka matla a ka, ke sebeletsa ka matla a hae.
 - (2) Ke moemeli. Ke molaetsua oa Morena.

THOMO E KHOLO

Notes

- (3) Molaetsa oa ka le mosebetsi oa ka li fumana boleng matleng a hae.
- (4) Nete ke hore, Thomo e Kholo ka boeona, e thehiloe molaong oona (bala Math 28:18).
- c. Melao-theo e meng ea bophelo ba ka(e fang bophelo ba ka sepheo).
 - 1) Ke khethiloe ke Molimo. Bophelo ba ka bo ipapisitse le kutloisiso ea hore ke mokhethoa.
 - a) Ha kea khethoa ka maikutlo a hore hona le ea sa khethoang. Ke khethiloe hore batho ba bang le bona ba kenelle.
 - b) Hona ke 'nete hobane Molimo o khethile ho sebetsa ka mafiso. Kahoo, o tlameha ho khetha motho e mong eo a ka sebetsang ka eena ho ama maphelo a batho ba bang.
 - 2) Jesu ke eena FEELA tsela (Johanne 14:6).
 - a) Bophelo ba ka bo tsepama tseleng ha ke elelloa hore motho a ke ke a ipholosa ntle ho evangeli.
 - b) Batho ba tla tseba joang ka evangeli? Ke mang ea tla ba bolella?(Bar 10:14, 15).
 - 3) Botle ke sera sa Botle bo fetisisang.
 - a) Hona le lintho tse ngata tse “ntle” tse ka etsoang bophelong, empa ho “hotle ka ho fetisisa” ke ho fe? Hona ho ipapisa le litaelo tsa Molimo.
 - b) Joalokaha se re bone, litaelo tse “ntle ka ho fetisisa” (ho holo, ho molemo ka ho fetisa), ke ho rata Molimo le ba bang.
 - (1) Bophelo ba ka bo lokela ho ahoa thahasellong ea ho tseba le ho rata Molimo.
 - (2) Bo tlameha ho boela bo ahoa holima takatso ea ho etsa hore a tsejoe.

THOMO E KHOLO

Notes

d. Qetello ea rona.

1) Nka re bophelo ba ka bo ahiloe holima tatellanyo e hlakileng ea litaeo.

a) Phetolelo e ngoe ea Baroma 12:1 e re, re behe 'mele ea rona le maphelo a rona ho Molimo, hoo ke ts'ebeletso ea "tatellano e hlakileng ea litaeo" ea khumamelo. Tsohle li ea ka molao le ka ts'oanelo.

b) Hona le tatellano ea lietsahala tseo ke lokelang ho li elelloa:

(1) Haeba ke hlile ke lumela hore Jesu o ne a sa bue leshano ha a re, "Ha ho ea ka tlang ho ntate ha e se ka 'na" (Johanne 14:6).

(2) Haeba ehlile ke lumela hore evangeli e na le "matla a ho pholosa" (Bar 1:16).

(3) Haeba ehlile ke lumela lipalo-palo tsa batho ba song ho utloe evangeli (litlaleho li supa hore ke lihlopha tse 11,000 tsa merabe e song ho utloe evangeli).

(4) Haeba ke lumela hore Jesu a ke ke a khutla ho fihlela ba utloa evangeli (Math 24:14).

(5) Haeba ke na le takatso ea ho bona a khutla, a qala 'muso oa hae, ke na le thahasello ea ho bona batho ba pholoso.

(6) KAHOO, KE TLA EA kapa ke romele ba bang.

2) Hobaneng ke phela?

a) Bophelo ba ka bo fumana moelelo **HO TSEBENG MOLIMO** le **HO ETSA HORE A TSEJOE**.

b) Kutloisiso ena ke motheo oa mathomo oa borumuoa thuto-Molimong. Mishinari e mong le e mong o susumetsoa ho ea ts'imong ke kutloisiso. Hona ho motlama hore a anetse molaetsa oa Jesu Krete. Ka ho fetisisa, e motlama ho ba le nako le mong'a molaetsa o anetsoang.

THOMO E KHOLO

C. Ho etsa hore sepheo se phelehe.

Notes —

Maikutlo a Sengoli:

Karolo ena e shebane haholo le Thuto-Molimo, empa e boetse e fana ka lintlha tse ntseng li ka behoa ts'ebetso.

1. Ho tseba Molimo (bala LiProv 3:5, 6).

- a. Re lokela ho tseba Molimo likarolong tsohle. Sepheo-kholo sa rona e lokela ho ba boikemisetso ba ho rata ho phela boteng ba Molimo kamehla.
 - 1) Khalaletso e ka utloisiseha ka tsela ena. Ke ketso ea ho ithuta ho phela boteng ba Molimo. Ke ho ba le nako e ngata le Molimo kajeno ho feta maobane.
 - 2) Ho batla sefahleho sa Molimo e lokela e be khubu ea letsatsi la rona. Ha se ntho eo re lokelang ho e etsa ha re sena seo re se etsang.
- b. Limishinari tsohle li lokela ho etsa Molimo morero oa pele, oa mantlha. A ke ke a lumella hore “mosebetsi” oa hae o ame kamano ea hau le eena.

Maikutlo a sengoli:

Tlhahiso ena e bohlokoa haholo haeba o sheba nako ka tsela eo makhooa a e shebang ka oona. E ka boetse ea se sebetse hakaalo haeba moetlong oa lona, nako e shejoa ka tsela e fapaneng.

THOMO E KHOLO

Notes

Maikutlo a sengoli:

Linotlolo tse ka thusang bakeng sa bophelo ba letsatsi ka leng:

1. Rala bophelo ba hau letsatsi ka leng. Haha boikoetliso ba letsatsi ka leng, bo amanang le ho batla sefahleho sa Molimo (Math 6:34).

Ho thoe: bokajeno ke bona feela boo re nang le bona, kaha bokhale bo fetile, 'me bomoso bo ka 'na ba se tle.

2. Sheba letsatsi ka leng e le nako ea lihora tse 24 (e seng letsatsi la ts'ebetso la lihora tse 8). Beha meralo ea hau ka tatellano, 'me ikoetlisetse ho nahana ka letsatsi le e na le likarolo tse tharo, karolo ka ngoe e nka lihora tse 8.

Karolo ea pele, ke ea boroko le boikoetliso ba 'mele.

Karolo ea bobeli, ke ea nako ea mosebetsi oa hau.

Karolo ea boraro, ke nako eo o e qetang o na le lelapa, Bakreste ba bang le Molimo.

Tsela ena ea ho arola nako e u lumella hore bonyane o be le lihora tse peli kapa tse tharo letsatsi ka leng, tseo e leng lihora tseo o ka bang le Molimo ka tsona. Nakong ena o ka ikoetlisetsa ho rapela, ho rorisa le ho khumamela, le ho bala Bibeale.

2. Ho etsa hore Molimo a tsejoe.
 - a. Mona re rata ho fana ka lintlha tse khuts'oane bakeng sa ho etsa mosebetsi oa borumuoa.
 - b. Ho ithuta puo le moetlo. Lintho tsa bohlokoa tse hlokoang bakeng sa ho ntlafatsa bokhoni ba ho ithuta puo le moetlo.
 - 1) Bokhoni ba ho kokobela (Bala Bag 2:20, 1 Bakr 4:10-13, le Bar 1:11, 12).
 - 2) Bokhoni ba ho tsoenetseha le ho ba bonolo (sheba 1 Bakr 9:19-23 le Lik 16:6-10).
 - 3) Bokhoni ba ho ba sebete (Bala Lik 9:28, 29 le 20:22-24).

THOMO E KHOLO

c. Ho sebetsa ka lihlopha (“Lihlopha tsa boapostola”).

- 1) Limishinari li lokela ho latela mohlala oa Paulosi, ba sebetse le batho ba bang. Bongata ba litho tsa boetapele, moo bongoe bo sebetsang, ke boemo bo batsi mosebetsing oa ho hloma likereke (bala Bae 4:11-13, Bar 12:4-6, le 1 Bakr 12:12-27).
- 2) Limishinari li lokela ho latela mohlala oa Paulosi, ha ba ntse ba atisa ts’ebetso ea bona, ba itsoala ho ba bang, ba bile ba fana ka matla a bosebeletsi ho ba bang, e le sesupo sa hore ha ba sa hlokahala bakeng sa kholo ea kereke (bala Lik 14:23).
- 3) Limishinari li lokela ho latela mohlala oa Paulosi, ba be sebete ho fana ka maemo a boetapele ho ba bang (sheba 1 Bakr 1:21-2:3, Baf 1:6, le Bag 5:10).

D. Sepheo sa ho phela se “NTLHA-PELI” kamoo se bonahatsoang Li-Evangeling.

Maikutlo a Sengoli:

Karolo ena e fana ka lihlopha tsa mangolo a ka sebelisoang ho etsa boithuto bo tsoellang-pele ba sepheo sa bophelo. Bala lengolo ka leng, sehlopheng ka seng, ‘me o elelloe hore lengolo ka leng le haella ho a fetileng joang ho hlalosa ntlha ea boithuto.

Temaneng e ngoe le e ngoe, u lokela hore o fumane ntlha e buang ka ho tseba Molimo (kamano le Molimo, e amanang le pholoho, ho rata Molimo, jj.) kapa e buang ka ho etsa hore Molimo a tsejoe (Boevangeli, ho paka, e buang ka lichaba, jj.).

1. Bibe e ruta hore hona le sepheo se “NTLHA-PELI” sa ho phela.
 - a. Math 22:37-40.
 - b. Luka 10:25-37.
 - c. Luka 2:29-32 (khotso le pholoho li amana le ho tseba Molimo; lichaba tsohle, le ts’enolelo ea leseli ho Balichaba, li amana le ho etsa hore Molimo a tsejoe.).

Notes

—

THOMO E KHOLO

Notes

2. Bophelo ba Jesu le lithuto tsa hae li bonts'a sepheo se “**NTLHA-PELI**”.
 - a. Math 11:1 (maphelo a barutuo a ne a tletse ka kamano le Jesu, ‘me ba ne ba etsa hore Molimo a tsejoe ke ba bang).
 - b. Mar 11:17.
 - c. Math 10:25, 27.
 - d. Mar 10:29 (‘bakeng sa ka’, ke mantsoe a amanang le ho tseba Molimo; ‘bakeng sa evangeli’ ho amana le ho etsa hore a tsejoe).
 - e. Luka 12:1-12 (ho ts’aba Molimo ho amana le ho tseba Molimo; tem. 3, 8, 11, 12 li amana le ho etsa hore Molimo a tsejoe).
3. Hona le tatellano kahar’a sepheo se ntlha-peli. Sepheo ka seng se latela se seng.
 - a. Math 4:19.
 - b. Mar 3:14.
 - c. Luka 12:1-12 (ha o ts’aba kapa o tseba Molimo o tla etsa hore a tsejoe).
 - d. Luka 5:16 (ha re ntse re etsa hore Molimo a tsejoe, re lokela hore re be le nako le eena).
 - e. Luka 9:59, 60.
 - f. Math 25:40 (ho thusa ba bang le ho etsa hore a tsejoe, ho amana le ho thusa Jesu kapa ho motseba).
 - g. Luka 4:18 (Moea oa Molimo o ho ‘na, o ntataisa hore ke phatlalatse evangeli).
 - h. Luka 8:15, 16 (ha hona thusa ho ba leseli e be ha le khanye; ha ho thusa letho ho tseba Molimo feela o sa etse hore a tsejoe).
 - i. Luka 8:21 (likamano tsa motho le Molimo, li ka hlaloso e le kutlo ho eena; ho tseba Molimo ho ka hokahanyoa le ho etsa hore a tsejoe).
 - j. Math 28:17-20 (khumamelo ho Molimo ho etella pele ho rongoa; ho tseba Molimo ho tsoala thahasello ea ho etsa hore a tsejoe).

THOMO E KHOLO

4. Ho tseba Molimo.

- a. Bohlokoa ba ho tseba Molimo (Luka 10:41, 42; Mar 4:11; Math 22:8; Math 25:12).
- b. Methati ea ho tseba Molimo (Math 13:12; Mar 15:38; Luka 6:46-49; Math 7:21 Mar 10:14, 15; Mar 4:24, 25; Luka 18:29, 30; Mar 14:71; le Mar 8:33).
- c. Kamano e tebileng ho tsebeng Molimo (Luka 10:41, 42; Math 23:37; Math 11:28; Math 12:50).
- d. Boima ba ho tseba Molimo (Math 16:24; Math 26:72; Math 20:31, 32; Mar 10:48).

5. Ho etsa hore Molimo a tsejoe.

- a. Methati ea ho etsa hore Molimo a tsejoe (Mar 1:38; Math 5:13-16; Luka 8:16; Luka 4:18; Math 24:14).
- b. Bohlokoa ba ho etsa hore Molimo a tsejoe (Luka 10:1, 2; Luka 8:16; Math 5:13-16; Math 24:14).
- c. Methati ea ho etsa hore Molimo a tsejoe (Luka 10:16; Luka 10:25-37; Luka 14:23).

Maikutlo a Sengoli:

Re na le maikutlo a tletseng a hore, metheo ea borumuoa e fumaneha karabong ea potso ena, “HOBANENG KE PHELA? Kapa SEPHEO SA BOPHLEO BA KA KE SE FE?”

Ha re ntse re araba potso ena, re bone kamoo borumuoa bo hokahanang le kamano ea motho le Molimo ka teng.

Notes

—

THOMO E KHOLO

Notes —

III. Motheo oa bo-Mishinari Historing.

Maikutlo a Sengoli:

Hobaneng Molimo a ile a khetha Israele? Hobaneng Molimo a ile a lumella kholeho ea Bajuda ho ea Babilona? Hobaneng Molimo a rometse mor'a hae? Hobaneng Molimo a tlohetseng Bajuda? Hobaneng Molimo a khethile kereke? Hobaneng Molimo a o khethile?

Bala Johanne 3:16. Karabo ea lipotso tsena ke hore; ke hobane Molimo o ratile lefats'e ha kaalo.

Karolo ena e bua ka Histori ea Bibeale ka Borumuoa, 'me e tla araba lipotso ha re ntse re tsoelapele re bua ka hore na hobaneng Molimo a khethile Israele.

A. Hobaneng Molimo a ile a khetha Israele?

1. Molimo o ile a khetha Israele hobane, Molimo ke lerato (sheba Deotr 7:6-8). Temaneng ea 8 re fumana mabaka a mabeli a bonts'ang hore na hobaneng Molimo a khethile Israele.
 - a. Le leng la mabaka ke hore, o ne a rata Israele.
 - b. Lebaka le leng ke hore, o ne a boloka selekane seo a se tlabotseng le Abrahama. Ha re utloisisa hore na selekane seo ne se kenyeletsang, re tla khona ho utloisisa hore na hobaneng a khethile Israele.
2. Molimo o khethile Israele hobane e ne e tla **KENYELETSA** ba bang, e seng **E QHELE** ba bang.
 - a. Bala Genese 12:1-3.
 - 1) Selekane seo Molimo a buang ka sona ho Deotr 7:8, ha a fana ka lebaka la hae la bobeli la ho khetha Israele, ke **SELEKANE SA BORUMUOA**, se kenyeletsang batho bohle. Ha se qhelele ba bang ka thoko.
 - a) Bapisa Math 28:19, 20 le Genese 28:14, 15 (moo Molimo a phetang selekane ho Jakobo).
 - b) Bapisa Math 28:19 le Gen 12:1.

THOMO E KHOLO

- 2) Selekane sa Abrahama, ke selekane sa borumuoa, 'me se na le khokahano e kholo le Thomo e Kholo.

Ntlha ea Puisano

Sebelisa sets'oants'o sena ho bonts'a hore na Math 28 e amana joang le selekane sa Abrahama.

Thomo e Kholo	Selekane sa Abrahama
E-eang (Math 28:19)	U tla namela bophirimela, le bochabela, le leboea le boroa (Genese 28:14)
Etsang lichaba tsohle barutuoa (Math 28:19)	'me mefuta kaofela ea lefats'e e tla hlohonolofalla ho uena (Gen 28:14)
'Me bonang, 'na ke na le lona ho isa liphelehetsong tsa lefats'e... (Mt 28:20)	'me bona, ke na le uena...ha ke na u tlohela..... (Genese 28:15)
E-eang (Mt 28:19)	E-ea (Gen 12:1)

- 3) Halofo ea selekane, e hlohonolofatsa Israele, ha karolo e ngoe ea selekane e hlohonolofatsa lichaba tse ling.

Ntlhaea Puisano

Sebelisa lits'oants'o tsena ho bonts'a lihlofo tsa selekane.

Hlohonolofatsa Israele	Hlohonolofatsa lichaba tse ling
Ke tla u etsa sechaba se seholo	U tla ba tlhohonolofatso
Ke tla u hlohonolofatsa	Ke tla hlohonolofatsa le ho rohaka ba u rohakang
Ke tla etsa hore lebitso la hau le tume	Ho uena batho ba lefats'e ba tla hlohonolofala

Notes

THOMO E KHOLO

Notes

- a) Israele e ne e hlohonolofalitsoe hore e tle e hlohonolofatse ba bang. Israele e ile ea fuoa monyetla le bokhoni ba ho tseba Molimo, e le hore eona e tle e etse hore Molimo a tle a tsejoe. Israele e ile ea fuoa litlhohonolofatso le matla hore e tle e phethahatse maikarabello a itseng.
- b) Molimo o khethile Israele molemong oa hore ka Israele, a tle a khethe ba bang.
- b. Sepheo sa ho khethoa ha Israele, se hlakile Testamenteng ea Khale ka moka. Ithute ka mehlala ena.
 - 1) Molimo o ile a etsa Israele sechaba se seholo. Lefats'e la Israele le manoni ebile le botleng. Israele e ne e le naha e matla e nang le ts'ususmetso. Hobaneng?
 - a) Bala 2 Likronike 6:32, 33.
 - b) Joalokaha temana ea 33 e bolela, "hore lichaba tsohle tsa lefats'e li tle li tsebe lebitso la hau, li u ts'abe joalokaha sechaba sa hau sa Israele se u ts'aba." Molimo o khethile Israele ho kenyeletsa ba bang.
 - 2) Molimo o hlohonolofalitse Israele. O hlohonolofalitse sechaba sa Israele. Hobaneng?
 - a) Bala Gen 50:20. Hobaneng Molimo a ile a hlohonolofatsa Josefa? Joalokaha temana ea 20 e cho, "o pholose chaba se sengata." Molimo o khethile Israele, ho kenyeletsa ba bang.
 - b) Bala 1 Marena 10:1, 4, 5, 8, 9, 13 (hlokomela hore na litlhohonolofatso tsa Solomone li ile tsa ama Mofumahali oa Sheba ha kakaang, hoo a ileng a khutla a na le bopaki bo boholo ka Molimo oa 'nete).
 - c) Bala Daniele 6:25-27 (hlokomela hore na litlhohonolofatso tsa Molimo ho Daniele li ile tsa ama Khosi Dariuse ha kakaang, eo a ileng a ngolla sechaba sohle, le banna ba lipuo tse fapaneng ka boholo ba Molimo).
 - (1) Bukeng ea Daniele, sepheo sa Molimo sa borumuoa se hlakile haholo.
 - (2) O hlohonolofatsa batho ba Hae e le hore lichaba li tle li hlohonolofale ka ho motseba.

THOMO E KHOLO

Notes —

- d) Liratsoaneng tsena tsa Daniele, sheba hore na karabelo e ts'oanang le ea Khosi Dariuse e bonts'a joang hore Molimo o hlohonolofatsa batho ba hae bakeng sa ho tsebahatsa lebitso la hae (bala Dan 4:1-3; 4:34-37; 3:28-30; 2:46-49).
- 3) Molimo o ile a tumisa lebitso la Israele. Hobaneng? Sheba karabo ea potso ena ha o qeta ho bala 1 Marena 8:41-43 le 10:1.
- c. Boithuto ba Pes 67:1-7.
 - 1) Hobaneng Molimo a khethile Israele?
 - a) Hobane Molimo o rata lefats'e (Johanne 3:16).
 - b) Lerato la Molimo ha le ea qala Testamenteng e Ncha. Esale a rata lefats'e (Bah 13:8).
 - 2) Kahoo, o ile a khetha ho kenyeletsa batho bohle ka ho khetha Israele.
 - a) O etsa hoo joang?
 - b) O biletsa Israele hore e be SECHABA LE SEBAKA SA BORUMUOA.
- 3. Molimo o khethile Israele ho ba Sechaba sa Borumuoa.
 - a. Pele, re tlameha ho utloisisa taba ea **“THUTO-MOLIMO EA LEFISO”**.
 - b. **“THUTO EA LEFISO”** e amangoa le 'nete ea Bibe le ea hore, Molimo o khethile ho sebelisa batho ba khethiloeng bakeng sa ho fihlella lefats'e.
 - a) Motheo oa thuto ena o fumanoa ho Bag 2:20. Ke hore, Krete o phela le ho sebetsa KA rona.
 - b) 'Nete ke hore, re ka rata feela, kaha a re ratile Pele(1 Johanne 4:19). Re ea halalela hobane eena a halalela. (Levitike 19:2).
 - c) E, batho ba Molimo ke lipaki tsa hae (Esa 43:10). Ke mafiso a hae a a sebelisang. O etsa hore a tsejoe ka bona.

THOMO E KHOLO

Notes

- 2) Hopola, morero oa Molimo bakeng sa ho fihlella lefats'e lohle, ha oa qala ho Math 28:18-20. O qalile ho Genese 3:14, 15 (ka boprofeta ba topollo ea Jesu ka tlholo ea hae sefapanong).
 - a) Ho Genese 1-11, re bona ho oa a motho, morallo oa metsi, le ho ata ha bobe. Qetellong re bona ho qhalana ha lichaba ho tloha Babel.
 - b) 'Me ho Genese 12:1-3, re bona qaleho ea selekane sa Abrahama.
 - (1) Ho etsahetseng? Na Molimo o ile a ferekana, eaba o nyahlatsa morero oa hae oa topollo ea lefats'e o bonts'itsoeng ho Gen 3:14, 15? Na o ile halefela lefats'e hoo a ileng a ikhethela bao a ba ratang ho ikhotsofatsa?
 - (2) Che! O ile a qala ho sebelisa morero oa hae o ipapisitseng le **THUTO EA MAFISO**. O ile a khetha sechaba sa borumuoa.
- c. Hape, re lokela ho utloisisa litakatso tsa Molimo le hore na li amana joang le morero oa Hae bakeng sa Israele.
 - 1) Molimo o na le thahasello e kholo bakeng sa ho fihlela lichaba (sheba Lip 117 le Esa 45:20-23).
 - 2) Molimo o na le thahasello e kholo ea ho iponahatsa lichabeng (bala Eks 9:13-16 le Sakr 8:20-23).
 - 3) Molimo o na le thahasello e kholo ea ho tlisa leseli lichabeng.
 - a) Sheba Esa 42:1-9 (hopola hore Mohlanka oa Morena a ka emela Israele le Jesu Krete).
 - b) Sheba Eks 19:3-6 (hopola hore Israele ke 'Muso oa baprista; hoo ke hore, ke batho ba emelang Molimo lichabeng).
 - 4) Molimo o na le thahasello e kholo ea ho fana ka pholoho lichabeng (sheba Pes 98:1-3 le Esa 52:7-10).
- d. Boela o shebe Pes 67:1-7.
 - 1) Hobaneng Molimo a ile a khetha Israele?
 - 2) Kaha a rata lefats'e, o ile a khetha Israele e le sechaba sa Borumuoa.

THOMO E KHOLO

B. hobaneng a ile a lumella hore Juda e isoe kholehong Babilona? (hobane Molimo o rata lefats'e).

Notes —

1. Pele, ha re ke re ipotse, hobaneng Molimo a ile a nts'a Israele "kholehong ea bona ea pele" Egepeta?
 - a. Ho iponahatsa lichabeng (bala Eks 9:13-16 le Josh 4:23, 24).
 - b. Ho tsoelapele ho sebelisa Israele e le sechaba sa borumuoa.
2. Israele e ile ea hana boikarabello ba eona e le sechaba sa borumuoa. Ha ba ka ba fana ka bopaki bo botle, bo nepahetseng.
 - a. Bala Amose 5:26, 27 (elelloa hore kholeho e hokahanyoa le "Molimo oa Makhotla" e leng hore "Molimo oa Lichaba").
 - b. Haeba bakhethoa ba Molimo ba sa phethahatse morero oa Molimo ka boithaopo, Molimo o tla ba "thusa" (joalokaha a ile a etsa ka Jonase) ho o phetha kante ho boithaopo.
 - 1) Bopaki ba Israele ka Molimo bo ne bo thibela morero oa Molimo oa ho fihlella lichaba tsohle. E ne e sa be tlhohonolofatso, kahoo ba ile ba emisa ho hlohonolofatsoa.
 - 2) Ha ba ne ba sa batle ho ea lichabeng, Molimo o ne a ba romela ka mokhoa oa kholeho, a ba tlama ho sebetsa e le sechaba sa borumuoa.
 - a) Bajuda, ba neng ba tseba Molimo, ba ile ba qhalanela lichabeng tse fapaneng lefats'eng lohle. 'Nete ke hore, hona ho ile ha etsa phetoho e kholo.
 - b) Mohlala, sheba litholoana tsa borumuoa tse ileng tsa behoa ke Daniele kholehong.
 - (1) Buka ea Daniele e ka rutoa e le buka ea borumuoa.
 - (2) Ka holimo ho makhetlo a ts'eletseng, re bona Ts'enolo 5:9 e bua ka **BATHO, LICHABA, LE MALEME/LIPUO** (Dan 3:4; 3:7; 4:1; 5:19; 6:25; 7:14).
 - (3) Makhetlo a fetang bohloko, Molimo o sebelisa litlhohonolofatso tsa batho ba hae ho hlohlelletsa Marena a lichaba tse ling, e le hore khanya ea hae e tle e phatlatsoe lichabeng.

THOMO E KHOLO

Notes

C. Hobaneng Molimo a ile a romela Mor'a Hae? (hobane a ratile lefats'e).

1. Molimo o ile a romela Mor'a Hae hobane a ratile lefats'e (Johanne 3:16).
2. O batla ho tlisa batho bohle ho eena (Johanne 12:32).
3. O batla ha batho bohle ba ka pholoso (1 Tim 2:4), 'me ha a batle le ha e le a le mong ho timela (2 Petr 3:9).

D. Hobaneng Molimo a ile a tlohela Bajuda? (Hobane a ratile lefats'e).

1. Bala Math 21:33-43 le Math 9:37, 38.
 - a. Bajuda ba ile ba latola Krete le boikarabello ba bona ba borumuoa kahoo, ba sietse tsena lichaba tse ling. Kahoo, Molimo o ba tlohetse.
 - b. Ho Math 9:37, 38, re nahana ka Thomo e Kholo ha re bala ka mantsoe a kang "basebetsi" le "kotulo".
 - c. Tabeng ea ho tloheloa ha Bajuda (Math 21:43), re bona mantsoe a ts'oanang.
 - 1) "Balemi ba morara" ke basebetsi (Math 21:33, 34).
 - 2) Re boetse re bona lentsoe "kotulo" (tem. 34) le taba ea "ho Beha" (tem. 34) le "tholoana" (tem. 43).
2. Morero oa Molimo ke ho fihlella lichaba hobane o rata lefats'e. Israele e ne e se tumellanong le morero oona, kahoo ba ile ba nyahlatsoa.

E. Hobaneng Molimo a Khethile Kereke? (hobane a ratile lefats'e).

1. Kereke e fetohile Israele e ncha.
2. E fetohile sechaba se secha sa Borumuoa (1 Petr 2:9) se tla nts'etsa-pele morero oa Molimo oa borumuoa (Math 28:18-20).

THOMO E KHOLO

F. Hobaneng Molimo a o khethile? (hobane o ratile lefats'e).

1. Molimo o u khethile hobane a u rata ekasitana le lefats'e lohle.
2. O batla hore o motsebe, o be o etse hore a tsejoe ke ba bang.
3. O batla hore a o fetole lefiso la hae, leo a ka le sebelisang bakeng sa khanya ea hae, le merero ea hae ea borumuoa.

IV. Qetello ea Boithuto.

A. Sohle se qalile Ts'imolohong.

1. Molimo o ratile lefats'e ho tloha qalehong ea nako. O bile le morero oa topollo bakeng sa batho bohle ho tloha qalehong.
2. Ho latela lipolelo tsa Jesu, hona le lintho tse tharo tse neng li reriloe ke Molimo, nako e telele pele ho ba le mantsoe a Math 28:19-20 (bala Luka 24:27, 45-49).
 - a. Jesu o tlameha ho shoa le ho tsoha bafung (Luka 24:46).
 - b. Moea o Halalelang o lokela ho romeloa (tem. 49).
 - c. Batho ba hae, ba tlameha ho jala Molaetsa o Molemo oa pholoho ho ea lichabeng tsohle(tem. 47, 48).
3. Kahoo, Jesu o ile a shoa, a tsoha bafung, a phahamisetsoa leholimong e le hore Moea o tle o romeloe (bala Jn 16:7).
4. Moea o rometsoe ho thusa sechaba sa Molimo ho ba lipaki lichabeng (bala Liketso1:8).

Notes

—

THOMO E KHOLO

Notes

5. Re tsoelapele ho evangella lefats'e e le hore Jesu a tle a khutle (bala Math 24:14).
 - a. Na mosebetsi oa rona oa kanetso ea evangeli o ama ho khutla ha Jesu? E!
 - b. Bala 2 Petr 3:9-12.
 - 1) Molimo o na le mamello. Ka mantsoe a mang re ka re, O ntse a eme. O emetse eng? Na ekaba o emetse mokhethoa oa hae (kereke) ho phethahatsa Matheu 24:14?
 - 2) Ho fela ho le joalo, temaneng ea 11, Petrose o bua ka "liketso tse halalelang le tsa Borapeli", libakeng tse ling, tsena li amahangoa le boevangeli (bala Baf 1:27 le Baf 2:15, 16; 1 Petr 2:12; 3:1, 2; 1 Bathes 1:6-8).
 - 3) Temaneng ea 12, Petrose o re, re lokela ho "potlakisa ho tla ha letsatsi la Molimo."

B. Bofelo bo tla tla ha Thomo e Kholo e Phethehile.

1. Na u batla ho bona Jesu a khutla? Na u rata ho potlakisa ho khutla ha hae?
 - a. Kahoo he, e ba karolo ea ba phatlalatsang evangeli lichabeng. Thusana bakeng sa ho isoa ha lebitso la Jesu moo le song ho boleloe (Bar 15:20-21).
 - b. Ba bangata ba lebetse ka taba ena. Hona ke hore, khubu ea borumuoa ba Testamente e Ncha ke ho ea libakeng tseo ho so fihloe ka evangeli. Re hloka mofuta o mocha oa limishinari, tse tla khona ho bua mantsoe a Paulosi, , "Ke eona taba e nthibetseng ha ngata ho le etela" (Bar 15:22).
 - c. Re hloka bomishinari bo tla shebana le ho ea mafats'eng a song ho fihlelloe. Paulosi ha a ka ba ea libakeng tse neng li se ntse li na le likereke hobane o ne a phathahanetse ho ea libakeng tseo likereke li leng sieo.
2. Hopola, Jesu o u pholoselitse hore o be tlhohonolofatso ho ba bang (Bala Sakr 8:13).
 - a. Etsa ho hong molemong oa ho isa evangeli lichabeng.
 - b. Ha o fihla leholimong, o tla tseba hore o re o bapetse karolo e khethehileng bakeng sa bophethahatsi ba Ts'enolo 7:9. Ka nako eo Molimo o tla bua mantsoe a Matheu 25:21, "Ke hantle mohlanka oa ka ea molemo ea Khabane."

THOMO E KHOLO

Maikutlo a Sengoli:

Mohlomong re ka sebelisa polelo e ncha bakeng sa batho ba etsang mosebetsi oa borumuoa kaha lentsoe “mishinari” le fetohile lentsoe le sephara le akaretsang.

Ha re khotlaletseng lentsoe “MOLAETSUOA E MOHOLO” ho bitsa ba isang evangeli lichabeng tse song ho fihlelloe. “Molaetsua e Moholo” ke mishinari ea batlang ho phetha Thomo e Kholo ka ho nka evangeli ho ea bathong ba song ho fihlelloe, bao esong ho be karolo ea kereke. Re tlameha ho shebisa merapelo, lisebelisoa le maikutlo a rona ho bahlabani bana ba THOMO E KHOLO, bao Molimo a tla ba tsosa matsatsing a ho qetela.

Notes

THOMO E KHOLO

Notes

—